



## CONCELLO DE CARNOTA

Praza San Gregorio, 19  
15293 CARNOTA (A Coruña)  
C.I.F.: P-1502000-A  
Telf.: 981 857032  
Fax: 981 857251

ACTA N° 2021/6

### SESIÓN ORDINARIA DO PLENO DA CORPORACIÓN

#### **PRESIDE:**

JUAN MANUEL SABORIDO RAMA

#### **ASISTEN:**

##### **PSOE**

MARÍA MERCEDES NOCEDA GÓMEZ

RAFAEL ANTONIO RIVEIRO PIÑEIRO

JOSÉ MANUEL GONZÁLEZ REY

##### **PP**

AGUSTÍN MANUEL GONZÁLEZ DOSIL

JOSÉ ELISARDO GARCÍA LAGO

PEDRO LADO RIVEIRO

##### **BNG**

MARÍA BELÉN CAMPOS DÍAZ

MARÍA PILAR TUBÍO LARIÑO

MANUEL MÁXIMO SOUTO BARREIRO

#### **SECRETARIA**

MARÍA DOLORES MACEIRAS MARTÍNEZ

#### **AUSENTES**

SANDRA FERNÁNDEZ SIABA

No Salón de sesións da Casa do Concello de Carnota, ás 20:00 horas do día 30 de setembro de 2021, baixo a presidencia do alcalde, reúnen os concelleiros e concelleiras que se indican, coa asistencia do secretario que subscribe, co obxecto de celebrar a Sesión Ordinaria do Pleno da Corporación, conforme ao réxime de sesións acordado polo Pleno en cumprimento do establecido no artigo 46.1 da Lei 7/1985, LBRL.

Comprobada a existencia de quórum suficiente e o cumprimento dos demais requisitos formais legalmente esixidos para a válida celebración do acto, o Presidente declara aberta a sesión, procedéndose a tratar os diversos asuntos incluídos na orde do día que se incluíron na convocatoria.

## **I. PARTE RESOLUTIVA**



## CONCELLO DE CARNOTA

Praza San Gregorio, 19  
15293 CARNOTA (A Coruña)  
C.I.F.: P-1502000-A  
Telf.: 981 857032  
Fax: 981 857251

### 1. Aprobación, se procede, da Acta da sesión anterior.

De acordo co previsto no artigo 91 do Real Decreto 2568/1986, ROF, pregunta o presidente se algún membro da Corporación desexa facer algunha observación con respecto á acta da sesión anterior (n.º2021/5 do 02/09/2021) que se entregou coa convocatoria.

Non se realizan observacións, polo que se considera aprobada a Acta por unanimidade.

### 2. Festivos Locais 2021.

Pola presidencia dáse lectura da seguinte proposta de festivos locais para o ano 2022.

En cumprimento das instrucións recibidas da Subdirección Xeral de Relacións Laborais, o Servizo de Traballo e Economía Social comunica a Concello o calendario laboral para o ano 2022, as festas laborais da Comunidade Autónoma de Galicia e no Estado que prevén.

Co obxecto de determinar os dous días de festa de carácter retribuído e non recuperable deste termo municipal para o vindeiro ano 2022, segundo establecen os artigos 37.2 do Estatuto dos traballadores e o 46 do Real decreto 2001/1983, de 28 de xullo, a vista do exposto PROPONSE AO PLENO DA CORPORACIÓN o seguinte ACORDO:

1.- Aprobar os seguintes días como festas locais de Carnota para o 2022:

- **16 de maio de 2022 (luns).**
- **31 de outubro de 2022 (luns).**

2.- Dar conta deste acordo á Xefatura Territorial da Consellería de Emprego e Igualdade para a súa publica constancia

Non habendo intervencións, polo Presidente sométese a proposta a votación, co seguinte resultado:

Votos a favor: 4 grupo do PsdeG.

Votos en contra: 0

Abstencións: 6 (3 do grupo do BNG e 3 do PP)

Consecuentemente, o presidente declara aprobada a proposta.

### 3. Mocións



## CONCELLO DE CARNOTA

Praza San Gregorio, 19  
15293 CARNOTA (A Coruña)  
C.I.F.: P-1502000-A  
Telf.: 981 857032  
Fax: 981 857251

### O grupo municipal do BNG presenta ao Pleno da Corporación Municipal a Moción sobre o Anteproxecto de Lei de Mellora da Xestión do Ciclo da Auga para incluíla na orde do día

Por parte da alcaldía procédese a someter a votación a súa inclusión, co seguinte resultado:

Votos a favor: 7 (3 do grupo BNG, 4 do grupo PsdeG-PSOE)

Votos en contra: 0

Abstencións: 3 do PP

Consecuente, o Presidente declara a inclusión de urxencia da moción que deseguido se transcribe:

### Moción sobre o Anteproxecto de Lei de Mellora da Xestión do Ciclo da Auga

Belen Campos Díaz, concelleira/o do Grupo Municipal do Bloque Nacionalista Galego (BNG) no Concello de Carnota, ao abeiro da lexislación vixente, presenta a seguinte **MOCIÓN** para o seu debate en Pleno,

#### Exposición de motivos:

1.- A Xunta de Galiza está a tramitar un novo Anteproxecto de Lei de mellora do ciclo da auga. Este novo texto vén despois do seu fracaso ao intentar impoñer a coñecida como SOGAMA da auga no ano 2019. O obxectivo deste anteproxecto de lei afástase moito do seu título, xa que nada do seu contido supón ningunha intervención na mellora da xestión do ciclo da auga por parte da Xunta de Galiza.

Os obxectivos reais do mesmo poden resumirse en dous: incrementar de xeito importante a carga fiscal da Xunta en relación ao ciclo da auga aos Concellos, ás entidades de xestión da auga e ás usuarias domésticas e asimilábeis, e derivar nas entidades locais, Concellos e Deputacións, as súas obrigas e competencias.

2.- Desde a súa chegada á presidencia da Xunta en 2009 a actuación do goberno do PP en relación coa xestión integral do ciclo da auga caracterizouse pola ausencia de planificación e programación. Galiza non ten elaborado nesta altura de 2021 ningún plan de xestión integral do ciclo da auga no ámbito das competencias galegas. O goberno presidido polo sr. Feijoo nin tan sequera cumpre coas obrigas legais establecidas en leis elaboradas por el mesmo. Así, non está elaborado o plan xeral de



## CONCELLO DE CARNOTA

Praza San Gregorio, 19  
15293 CARNOTA (A Coruña)  
C.I.F.: P-1502000-A  
Telf.: 981 857032  
Fax: 981 857251

abastecemento nin o plan xeral de saneamento, pendentes desde a aprobación da Lei de augas en 2010. Na responsabilidade da Xunta de rexeneración e saneamento integral das rías non se avanzou nada, estando a día de hoxe pendente de sancións da UE por incumprimento reiterado das súas obrigas en materia de depuración.

No ano 2013 a Xunta asinou coa FEGAMP o Pacto Local da Auga que tiña como finalidades establecer os criterios tarifarios e de planificación hidráulica cos concellos, facendo referencia ao reparto dos fondos derivados dos ingresos polo canon da auga. Hoxe en día está todo por facer ou incumplido no referente a este Pacto da Auga, mentres a Xunta segue a impoñer impostos, taxas e obrigas aos Concellos.

3.- A precaria situación da planificación e xestión da depuración por parte de Augas de Galiza fai que agora pretendan devolverlle esa responsabilidade aos concellos (20 anos despois de declarala de interese xeral), utilizando a modificación e elaboración de novos marcos legais para esquivar as súas obrigas. Mesmo usando mecanismos de presión impropios dun goberno democrático, aqueles Concellos que non acepten as condicións da Xunta non participarán dos investimentos en obras hidráulicas.

4.- Nos últimos doce anos a Xunta de Galiza non ten dado ningún paso para ter a competencia sobre a totalidade do sistema hidrolóxico galego. A mellora e xestión efectiva do ciclo da auga en Galiza precisa dun impulso real a ter a competencia sobre a totalidade do sistema hidrolóxico galego e non só sobre a bacía de Galiza-costa, xa que o resto do sistema é de competencia estatal.

5.- Este Anteproxecto de Lei pretende incrementar o recadado polo canon da auga coa súa modificación establecendo unha nova cota e sancionando polas perdas nas redes de abastecemento ás entidades titulares. E fai isto sen que por parte da Xunta se teña avanzado na planificación do abastecemento. Como se se tratase dunha broma pesada faino nun ano no que vimos como as empresas eléctricas baleiraban impunemente os encoros galegos para lucrarse da nosa auga.

6.- O incremento do canon da auga como procedemento sancionador non é o único tributo que incrementa a Xunta. Así, transforma o coeficiente de vertedura en dous novos tributos: o canon de depuración e o canon de colectores. Incrementa o canon de depuración na fórmula de cálculo e introduce a obrigatoriedade de pago dos Concellos do canon de depuración pola auga da chuva. Despois de anos de nula xestión por parte do goberno galego do sistema de depuración e da escasa colaboración cos Concellos na mellora da rede de saneamento, pretende obrigar aos municipios a pagar pola depuración da auga da chuva nas edares que xestiona a Xunta.



## CONCELLO DE CARNOTA

Praza San Gregorio, 19  
15293 CARNOTA (A Coruña)  
C.I.F.: P-1502000-A  
Telf.: 981 857032  
Fax: 981 857251

Con estes tres cambios fiscais: canon da auga, canon de depuración e canon de colectores a Xunta multiplica por tres a carga fiscal actual pola xestión do ciclo da auga sen que isto supoña ningunha mellora na súa xestión por parte do goberno galego.

7.- O anteproxecto introduce a creación por parte da Xunta de aglomeracións urbanas para depuración, establecendo unha serie de obrigas de planificación e control, sen ningunha obriga para a Xunta e sen ningunha capacidade de decisión para as entidades locais integrantes. Novamente a Xunta substitúe a súa ausencia de planificación pola recarga de novas obrigas sobre os Concellos e ameazas de procedementos sancionadores para os mesmos.

8.- Introduce condicións de financiamento e colaboración coas entidades locais en materia de abastecemento e saneamento arbitrarias, sen ter base nun estudo da realidade da xestión do ciclo da auga, sen ter en conta a capacidade económica dos municipios e sen incluír o esforzo orzamentario que levan feito os concellos nesta materia. Ademais, invade competencias doutras administracións ao pretender establecer mediante lei un sistema de financiamento a terzos (Deputacións, Concellos e Xunta) das infraestruturas hidráulicas nos concellos de menos de 20.000 habitantes. Cómpre lembrar que nos últimos anos a Xunta estivo recibindo fondos europeos para saneamento e depuración que foi incapaz de xestionar adecuadamente e que distribuíu no territorio de forma arbitraria e sen ningunha planificación que soportase os criterios de investimento.

9.- O anteproxecto tamén introduce un canon de abastecemento para aquelas infraestruturas de abastecemento que xestiona a Xunta. Novamente este canon non está acompañado de ningún estudo de costes e supón un importante incremento sobre o custe actual. A Xunta segue a introducir taxas nunha Lei evitando desta forma a capacidade de introducir cambios ou acordos por parte das entidades ás que presta o servizo. Hai no Anteproxecto de Lei unha confusión interesada entre convenio e relación contractual pola prestación dun servizo que terían os Concellos con Augas de Galicia como entidade empresarial.

10.- A falta de interese por parte da Xunta de chegar a unha axeitada xestión do ciclo da auga tamén se pon de manifesto polo feito de ter exposto a suxestións este Anteproxecto de Lei durante o verán, conscientes das dificultades dos Concellos para estudalo nesa época e da sociedade en xeral para poder coñecelo. Un interese real por resolver un problema tan grave para Galiza como a xestión do ciclo da auga precisa dunha actuación con altura de miras, con visión de país e con medidas reais para



## CONCELLO DE CARNOTA

Praza San Gregorio, 19  
15293 CARNOTA (A Coruña)  
C.I.F.: P-1502000-A  
Telf.: 981 857032  
Fax: 981 857251

implicar a todos os actores involucrados na súa solución: Xunta, Entidades locais, comunidades de Augas, empresas, movemento asociativo e persoas usuarias...

Por todo o exposto, o **Grupo Municipal do Bloque Nacionalista Galego** somete a debate e aprobación polo Pleno esta moción, propondo a adopción dos seguintes ACORDOS:

1-Instar á Xunta de Galiza á paralización da tramitación do Anteproxecto de Mellora do Ciclo Integral da Auga e á elaboración dunha planificación integral da xestión do ciclo da auga en Galiza.

2- Abrir un marco de negociación con todas as entidades implicadas na xestión do ciclo da auga para a elaboración desta planificación.

3- Instar á Xunta de Galiza a reclamar do Estado a competencia sobre a totalidade do sistema hidrolóxico na Galiza

Non habendo intervencións, polo Presidente sométese a moción a votación, co seguinte resultado:

Votos a favor: 7 (4 do grupo do PsdeG-PSOE, 3 do grupo do BNG).

Votos en contra: 3 do PP

Abstencións: 0

### I. PARTE DE CONTROL

#### 1. Dar conta das resolucións do Alcalde desde a última sesión ordinaria.

A Corporación quedou informada das resolucións ditadas polo Alcalde desde a última sesión, que estiveron a disposición dos concelleiros e concelleiras desde a mesma data da convocatoria.

#### 2. Rogos e preguntas.

A concelleira do BNG, María Pilar Tubío, efectúa as seguintes preguntas:

- Por que se esperou a limpar no mes de setembro os camiños a Penafiel, xa rematado o verán, pese aos extravíos e aos accidentes que se produciron no monte? Aclara que no Pleno do 27 de maio o BNG realizou unha pregunta a este



## CONCELLO DE CARNOTA

Praza San Gregorio, 19  
15293 CARNOTA (A Coruña)  
C.I.F.: P-1502000-A  
Telf.: 981 857032  
Fax: 981 857251

respecto, e o alcalde contestou que se estaban a limpar. Sinala que o de Penafiel e outros máis non estaban limpos.

- O 12 de setembro, unha plataforma de afectados polos eólicos convidaron, en Santa Comba, aos alcaldes das zonas afectadas, entre eles, segundo unha nota de prensa, ao alcalde de Carnota. Asistiu o alcalde a esta reunión?

O alcalde responde que non, porque lle coincidiu con outra reunión na Picota, convocada polo alcalde de Mazaricos, para tratar asuntos relacionados co matadoiro. Explica que Abanca, despois de 10 anos de estar pechado o matadoiro, está reclamando trescentos e pico mil euros. Convocou aos membros da mancomunidade de concellos Xallas-Tines-Tambre. Indica que lle foi imposible asistir.

- Nun decreto, de data 18/03/2020, por mor da pandemia, revocouse a delegación da competencia da Xunta de Goberno. Non lle consta que estea funcionando...

O alcalde respóndelle que non, que na maior brevidade volverán a convocarse, sempre e cando se dera por finalizada a pandemia, e cando se incorpore o secretario ao traballo.

- A concelleira do BNG, María Belén Campos, pregunta se se fixo algunha Xunta de Goberno.

O alcalde responde que non, que se resolve por decreto da Alcaldía.

- O concelleiro do BNG, Manuel Souto, tralo remate da campaña de verán, quere saber como ve o equipo do goberno a campaña turística, no que se refire aos medios achegados polo Concello: aparcadoiros, peixes crebeiros (o concelleiro considera que foron estercoiros), anuncios de benvida (o concelleiro considera que foi unha campaña turística, que lle custou ao Concello moitos cartos).

O alcalde acláralle que os sinais foron subvencionados pola Xunta.

O concelleiro do BNG, Manuel Souto, indícalle ao alcalde que o Concello ten que controlar o escrito nos sinais. Fálle saber que a tradución ao eúscaro do cartel de benvida está escrita de forma incorrecta. Considera que se lle debe esixir á empresa a corrección. Así mesmo, afirma que os peixes comecebas deron asco todo o verán e que non debería mandarse aos operarios municipais a limpalos.

O alcalde pregúntalle como sería a mellor forma de limpalos, baixo o seu punto de vista.



## CONCELLO DE CARNOTA

Praza San Gregorio, 19  
15293 CARNOTA (A Coruña)  
C.I.F.: P-1502000-A  
Telf.: 981 857032  
Fax: 981 857251

O concelleiro insiste en que a el non se lle ocorrería mandar a ningún traballador do Concello a meterse dentro dun peixe, no que pode haber xeringas, cristais... polo perigo que supón para os empregados. Explica que, posteriormente, se realizou un panel lateral nos peixes para retirar o lixo. Solución que, baixo o seu punto de vista, debería ser previa, para velar pola seguridade dos traballadores, para non facer o ridículo. Aquilo que se pretendía fora un atractivo turístico, converteuse nunha vergoña.

Non habendo máis asuntos que tratar, o presidente levanta a sesión, dándose por rematado o acto ás vinte horas e vinte e catro minutos do día anteriormente expresado, estendéndose a presente acta. De todo o que, como secretaria acctal, dou fe.

A secretaria acctal, María Dolores Maceiras Martínez

O alcalde, Juan Manuel Saborido Rama